

(6) אֵלֶּה תּוֹלְדֹת נֹחַ נֹחַ אִישׁ צַדִּיק תָּמִים הָיָה בְּדֹרֹתָיו
 אֶת־הָאֱלֹהִים הִתְהַלֵּךְ־נֹחַ: 10 וַיּוֹלֵד נֹחַ שְׁלֹשָׁה בָנִים
 אֶת־שֵׁם אֶת־חָם וְאֶת־יָפֶת: 11 וַתִּשְׁחַת הָאָרֶץ לְפָנַי
 הָאֱלֹהִים וַתִּמְלֵא הָאָרֶץ חָמָס: 12 וַיֵּרָא אֱלֹהִים אֶת־
 הָאָרֶץ וְהִנֵּה נִשְׁחָתָה כִּי־הִשְׁחִית כָּל־בֶּשֶׁר אֶת־
 דְּרָכָו עַל־הָאָרֶץ: 13 וַיֹּאמֶר אֱלֹהִים
 לְנֹחַ קַץ כָּל־בֶּשֶׁר בָּא לְפָנַי כִּי־מָלְאָה הָאָרֶץ חָמָס
 מִפְּנֵיהֶם וְהִנְנִי מִשְׁחִיתָם אֶת־הָאָרֶץ: 14 עֲשֵׂה לְךָ תֵּבַת
 עֲצֵי־גֹפֶר קַנִּים תַּעֲשֶׂה אֶת־הַתְּבָה וְכִפַּרְתָּ אֹתָהּ
 מִבַּיִת וּמִחוּץ בַּכֹּפֶר: 15 וְזֶה אֲשֶׁר תַּעֲשֶׂה אֹתָהּ שְׁלֹשׁ
 מֵאוֹת אַמָּה אָרְךָ הַתְּבָה חֲמִשִּׁים אַמָּה רָחְבָּהּ
 וּשְׁלֹשִׁים אַמָּה קוֹמָתָהּ: 16 צִהַר | תַּעֲשֶׂה לַתְּבָה וְאֶל־
 אַמָּה תִּכְלְנָה מִלְּמַעְלָה וּפֶתַח הַתְּבָה בְּצִדָּהּ תִּשְׂשֶׁה
 תַּחְתִּים שְׁנַיִם וּשְׁלֹשִׁים תַּעֲשֶׂה: 17 וְאֲנִי הִנְנִי מֵבִיא
 אֶת־הַמַּבּוּל מִיַּם עַל־הָאָרֶץ לְשַׁחַת כָּל־בֶּשֶׁר אֲשֶׁר־
 בּוֹ רוּחַ חַיִּים מִתַּחַת הַשָּׁמַיִם כָּל־אֲשֶׁר־בָּאָרֶץ יָגוּעַ:

18: וְהִקְמַתִּי אֶת־בְּרִיתִי אִתְּךָ וּבֵאתָ אֵל־הַתְּבָה אִתָּהּ
 וּבְנִידָה וְאֶשְׁתַּדָּד וּנְשֵׂי־בְנֵיךָ אִתְּךָ: 19: וּמִכָּל־הַחַי מִכָּל־
 בְּשָׂר שְׁנַיִם מִכָּל תָּבִיא אֵל־הַתְּבָה לְהַחִיֵּת אִתְּךָ
 זָכָר וּנְקֵבָה יְהִי: 20: מִהָעוֹף לְמִינֵהוּ וּמִן־הַבְּהֵמָה לְמִינָהּ
 מִכָּל רֶמֶשׂ הָאֲדָמָה לְמִינֵהוּ שְׁנַיִם מִכָּל יִבְאוּ אֵלֶיךָ
 לְהַחִיּוֹת: 21: וְאַתָּה קַח־לְךָ מִכָּל־מֵאֲכָל אֲשֶׁר יֵאָכֵל
 וְאִסַּפְתָּ אֵלֶיךָ וְהָיָה לְךָ וְלָהֶם לְאֹכְלָהּ: 22: וַיַּעַשׂ נֹחַ
 כְּכֹל אֲשֶׁר צִוָּה אֹתוֹ אֱלֹהִים כִּן עָשָׂה: (7) וַיֹּאמֶר יְהוָה
 לְנֹחַ בֵּא־אֵתָהּ וְכָל־בֵּיתְךָ אֵל־הַתְּבָה כִּי־אֵתְךָ רָאִיתִי
 צַדִּיק לְפָנַי בְּדוֹר הַזֶּה: 2: מִכָּל א הַבְּהֵמָה הַטְּהוֹרָה
 תִּקַּח־לְךָ שְׁבַעַה שְׁבַעַה אִישׁ וְאֶשְׁתּוֹ וּמִן־הַבְּהֵמָה
 אֲשֶׁר לֹא טְהוֹרָה הוּא שְׁנַיִם אִישׁ וְאֶשְׁתּוֹ: 3: גַּם מֵעוֹף
 הַשָּׁמַיִם שְׁבַעַה שְׁבַעַה זָכָר וּנְקֵבָה לְחַיּוֹת זָרַע עַל־
 פְּנֵי כָל־הָאָרֶץ: 4: כִּי לַיָּמִים עוֹד שְׁבַעַה אָנֹכִי מִמְטִיר
 עַל־הָאָרֶץ אַרְבַּעַיִם יוֹם וְאַרְבַּעַיִם לַיְלָה וּמַחִיתִי אֶת־
 כָּל־הַיְקוּם אֲשֶׁר עָשִׂיתִי מֵעַל פְּנֵי הָאֲדָמָה: 5: וַיַּעַשׂ
 נֹחַ כְּכֹל אֲשֶׁר־צִוָּהוּ יְהוָה: 6: וְנֹחַ בֵּן־שָׁשׁ מֵאוֹת שָׁנָה
 וְהַמַּבּוּל הָיָה מִיָּם עַל־הָאָרֶץ: 7: וַיִּבֹא נֹחַ וּבְנָיו וְאֶשְׁתּוֹ

וּנְשֵׁי־בְנֵי אֶתוֹ אֶל־הַתְּבֵה מִפְּנֵי מִי הַמַּבּוּל׃ 8 מִן־
הַתְּבֵהּ הַטְּהוֹרָה וּמִן־הַתְּבֵהּ אֲשֶׁר אֵינָנָה טְהוֹרָה
וּמִן־הָעוֹף וְכָל אֲשֶׁר־רָמַשׁ עַל־הָאֲדָמָה׃ 9 שְׁנַיִם שְׁנַיִם
בָּאוּ אֶל־נֹחַ אֶל־הַתְּבֵה זָכָר וּנְקֵבָה כַּאֲשֶׁר צִוָּה
אֱלֹהִים אֶת־נֹחַ׃ 10 וַיְהִי לְשִׁבְעַת הַיָּמִים וּמִי הַמַּבּוּל הָיוּ
עַל־הָאָרֶץ׃ 11 בַּשָּׁנָה שִׁש־מֵאוֹת שָׁנָה לְחַיֵּי־נֹחַ בַּחֹדֶשׁ
הַשְּׁנִי בְשִׁבְעָה־עֶשֶׂר יוֹם לַחֹדֶשׁ בַּיּוֹם הַזֶּה נִבְקְעוּ
כָּל־מַעֲיָנוֹת תְּהוֹם רַבָּה וְאַרְבַּת הַשָּׁמַיִם נִפְתְּחוּ׃ 12 וַיְהִי
הַגֶּשֶׁם עַל־הָאָרֶץ אַרְבָּעִים יוֹם וְאַרְבָּעִים לַיְלָה׃
13 בְּעֶצֶם הַיּוֹם הַזֶּה בָּא נֹחַ וְשֵׁם־וַחַם וַיִּפֹּת בְּנֵי־נֹחַ
וְאִשְׁת׃ נֹחַ וּשְׁלֶשֶׁת נְשֵׁי־בְנָיו אֹתָם אֶל־הַתְּבֵה׃ 14 הֵמָּה
וְכָל־הַחַיָּה לְמִינָהּ וְכָל־הַתְּבֵהּ לְמִינָהּ וְכָל־הַרְמֻשׁ
הָרָמַשׁ עַל־הָאָרֶץ לְמִינָהּ וְכָל־הָעוֹף לְמִינָהּ כָּל־
צִפּוֹר כָּל־כְּנָף׃ 15 וַיָּבֹאוּ אֶל־נֹחַ אֶל־הַתְּבֵה שְׁנַיִם
שְׁנַיִם מִכָּל־הַבֶּשֶׂר אֲשֶׁר־בוֹ רוּחַ חַיִּים׃ 16 וַהֲבֵאִים
זָכָר וּנְקֵבָה מִכָּל־בֶּשֶׂר בָּאוּ כַּאֲשֶׁר צִוָּה אֱלֹהִים
אֶת־נֹחַ וַיִּסְגֹּר יְהוָה בְּעָדָו׃ 17 וַיְהִי הַמַּבּוּל אַרְבָּעִים
יוֹם עַל־הָאָרֶץ וַיִּרְבוּ הַמַּיִם וַיִּשְׂאוּ אֶת־הַתְּבֵה וַתִּרָם

מֵעַל הָאָרֶץ: 18. וַיִּגְבְּרוּ הַמַּיִם וַיִּרְבוּ מְאֹד עַל־הָאָרֶץ
וַתִּלָּךְ הַתֵּבָה עַל־פְּנֵי הַמַּיִם: 19. וְהַמַּיִם גָּבְרוּ מְאֹד מְאֹד
עַל־הָאָרֶץ וַיִּכְסּוּ כָּל־הַהָרִים הַגְּבוּהִים אֲשֶׁר־תַּחַת כָּל־
הַשָּׁמַיִם: 20. חֹמֶשׁ עֶשְׂרֵה אַמָּה מִלְּמַעְלָה גָּבְרוּ הַמַּיִם
וַיִּכְסּוּ הַהָרִים: 21. וַיִּגְוַע כָּל־בֶּשֶׂר | הָרֹמֵשׁ עַל־הָאָרֶץ
בְּעוֹף וּבַבְּהֵמָה וּבַחַיָּה וּבְכָל־הַשָּׂרֵץ הַשָּׂרֵץ עַל־
הָאָרֶץ וְכֹל הָאָדָם: 22. כֹּל אֲשֶׁר נִשְׁמַת־רוּחַ חַיִּים בְּאַפָּיו
מִכֹּל אֲשֶׁר בְּחַרְבָּה מָתוּ: 23. וַיִּמַּח אֶת־כָּל־הַיְקוּם | אֲשֶׁר |
עַל־פְּנֵי הָאֲדָמָה מֵאָדָם עַד־בְּהֵמָה עַד־רֶמֶשׂ וְעַד־
עוֹף הַשָּׁמַיִם וַיִּמָּחוּ מִן־הָאָרֶץ וַיִּשְׁאָר אַךְ־נֹחַ וְאֲשֶׁר
אִתּוֹ בַּתֵּבָה: 24. וַיִּגְבְּרוּ הַמַּיִם עַל־הָאָרֶץ חֲמִשִּׁים וּמֵאֵת
יּוֹם: (8) 1. וַיִּזְכֹּר אֱלֹהִים אֶת־נֹחַ וְאֵת כָּל־הַחַיָּה וְאֵת־כָּל־
הַבְּהֵמָה אֲשֶׁר אִתּוֹ בַּתֵּבָה וַיַּעֲבֵר אֱלֹהִים רוּחַ עַל־
הָאָרֶץ וַיִּשְׁכּוּ הַמַּיִם: 2. וַיִּסְכְּרוּ מֵעֵינַת תְּהוֹם וַאֲרַבַּת
הַשָּׁמַיִם וַיִּכְלָא הַגִּשְׁמִים מִן־הַשָּׁמַיִם: 3. וַיֵּשְׁבוּ הַמַּיִם מֵעַל
הָאָרֶץ הַלּוֹף וָשׁוּב וַיַּחֲסְרוּ הַמַּיִם מִקְצֵה חֲמִשִּׁים
וּמֵאֵת יּוֹם: 4. וַתִּנַּח הַתֵּבָה בַּחֹדֶשׁ הַשְּׁבִיעִי בִּשְׁבַע־
עָשָׂר יוֹם לַחֹדֶשׁ עַל הָרִי אֲרָרָט: 5. וְהַמַּיִם הָיוּ הַלּוֹף

וַחֲסוּר עַד הַחֹדֶשׁ הַעֲשִׂירִי בַעֲשִׂירֵי בְּאֶחָד לַחֹדֶשׁ
נִרְאוּ רֵאשֵׁי הַהָרִים: ⁶ וַיְהִי מִקֵּץ אַרְבַּעִים יוֹם וַיִּפְתַּח
נֹחַ אֶת-חַלּוֹן הַתֵּבָה אֲשֶׁר עָשָׂה: ⁷ וַיִּשְׁלַח אֶת-הָעֶרֶב
וַיֵּצֵא יֵצוּא וְשׁוֹב עַד-יְבֹשֶׁת הַמַּיִם מֵעַל הָאָרֶץ:
⁸ וַיִּשְׁלַח אֶת-הַיּוֹנָה מֵאֵתוֹ לִרְאוֹת הַקָּלוֹ הַמַּיִם מֵעַל
פְּנֵי הָאָדָמָה: ⁹ וְלֹא-מָצָא הַיּוֹנָה מְנוּחַ לְכַף-רַגְלָהּ
וַתָּשָׁב אֵלָיו אֶל-הַתֵּבָה כִּי-מַיִם עַל-פְּנֵי כָל-הָאָרֶץ
וַיִּשְׁלַח יָדוֹ וַיִּקְחָהּ וַיָּבֵא אֹתָהּ אֵלָיו אֶל-הַתֵּבָה: ¹⁰ וַיַּחַל
עוֹד שְׁבַעַת יָמִים אַחֲרֵים וַיִּסָּף שִׁלַּח אֶת-הַיּוֹנָה מִן-
הַתֵּבָה: ¹¹ וַתָּבֵא אֵלָיו הַיּוֹנָה לָעֵת עָרֵב וְהָנָה עֲלֵה-זֵית
טָרֵף בְּפִיהָ וַיֵּדַע נֹחַ כִּי-קָלוּ הַמַּיִם מֵעַל הָאָרֶץ: ¹² וַיַּחַל
עוֹד שְׁבַעַת יָמִים אַחֲרֵים וַיִּשְׁלַח אֶת-הַיּוֹנָה וְלֹא-
יָסְפָה שׁוֹב-אֵלָיו עוֹד: ¹³ וַיְהִי בְּאַחַת וָשֵׁשׁ-מֵאוֹת שָׁנָה
בְּרֵאשׁוֹן בְּאֶחָד לַחֹדֶשׁ חָרְבוּ הַמַּיִם מֵעַל הָאָרֶץ
וַיִּסַּר נֹחַ אֶת-מִכְסֵה הַתֵּבָה וַיִּרְא וְהָנָה חָרְבוּ פְּנֵי
הָאָדָמָה: ¹⁴ וּבַחֹדֶשׁ הַשְּׁנִי בְּשִׁבְעָה וָעֶשְׂרִים יוֹם לַחֹדֶשׁ
יָבִשָׁה הָאָרֶץ: רַחֲמֵינוּ ¹⁵ וַיְדַבֵּר אֱלֹהִים אֶל-
נֹחַ לֵאמֹר: ¹⁶ צֵא מִן-הַתֵּבָה אַתָּה וְאַשְׁתְּךָ וּבְנֵיךָ וּנְשֵׂי-

בְּנֵיךָ אֶתְךָ: ¹⁷ כָּל־הַחַיָּה אֲשֶׁר־אִתְּךָ מִכָּל־בֶּשֶׂר בְּעוֹף
וּבַבְּהֵמָה וּבְכָל־הַרְמֵשׁ הַרְמֵשׁ עַל־הָאָרֶץ הוּצָא הִיֵּצֵא אֶתְךָ
וְשָׂרְצוּ בָאָרֶץ וּפְרוּ וּרְבוּ עַל־הָאָרֶץ: ¹⁸ וַיֵּצֵא־נֹחַ וּבְנָיו
וְאִשְׁתּוֹ וּנְשֵׁי־בְנָיו אִתּוֹ: ¹⁹ כָּל־הַחַיָּה כָּל־הַרְמֵשׁ וְכָל־
הָעוֹף כָּל רוֹמֵשׁ עַל־הָאָרֶץ לְמִשְׁפַּחְתֵּיהֶם יֵצְאוּ מִן־
הַתֵּבָה: ²⁰ וַיְבֹן נֹחַ מִזְבֵּחַ לַיהוָה וַיִּקַּח מִכָּל | הַבְּהֵמָה
הַטְּהוֹרָה וּמִכָּל הָעוֹף הַטְּהוֹר וַיַּעַל עֹלֹת בַּמִּזְבֵּחַ:

²¹ וַיֵּרַח יְהוָה אֶת־רִיחַ הַנְּיַחֵחַ וַיֹּאמֶר יְהוָה אֶל־לְבוֹ
לֹא־אֶסְף לְקַלְל עוֹד אֶת־הָאָדָמָה בְּעֵבֹר הָאָדָם כִּי
יֵצֵר לֵב הָאָדָם רַע מִנְעֲרָיו וְלֹא־אֶסְף עוֹד לְהַכּוֹת
אֶת־כָּל־חַי כַּאֲשֶׁר עָשִׂיתִי: ²² עַד כָּל־יְמֵי הָאָרֶץ זֶרַע
וְקִצִּיר וְקָר וְחֹם וְקִיץ וְחֹרֶף וַיּוֹם וּלְיֵלָה לֹא יִשְׁבְּתוּ:
(9) ¹ וַיְבָרֶךְ אֱלֹהִים אֶת־נֹחַ וְאֶת־בְּנָיו וַיֹּאמֶר לָהֶם פְּרוּ
וּרְבוּ וּמְלֵאוּ אֶת־הָאָרֶץ: ² וּמִוֹרְאֵכֶם וְחַתְּכֶם יִהְיֶה
עַל כָּל־חַיַּת הָאָרֶץ וְעַל כָּל־עוֹף הַשָּׁמַיִם בְּכֹל
אֲשֶׁר תִּרְמֹשׁ הָאָדָמָה וּבְכָל־דְּגֵי הַיָּם בְּיַדְכֶם נֹתְנוּ:
³ כָּל־רֶמֶשׁ אֲשֶׁר הוּא־חַי לָכֶם יִהְיֶה לְאֹכְלָה כִּיִּרְק
עֵשֶׂב נֹתַתִּי לָכֶם אֶת־כָּל: ⁴ אֶף־בֶּשֶׂר בְּנֶפֶשׁוֹ דָּמוֹ לֹא

תֹּאכְלוּ: ⁵ וְאָךְ אֶת־דְּמֹכֶם לְנַפְשֹׁתֵיכֶם אֲדַרְשׁ מִיַּד כָּל־
חַיָּה אֲדַרְשְׁנוּ וּמִיַּד הָאָדָם מִיַּד אִישׁ אַחִיו אֲדַרְשׁ
אֶת־נַפְשׁ הָאָדָם: ⁶ שִׁפּוֹךְ דַּם הָאָדָם בְּאָדָם דָּמוֹ יִשְׁפּוֹךְ
כִּי בְצַלֵּם אֱלֹהִים עָשָׂה אֶת־הָאָדָם: ⁷ וְאַתֶּם פָּרוּ וּרְבוּ
שְׂרָצוּ בָאָרֶץ וּרְבוּ־בָהּ: ⁸ וַיֹּאמֶר
אֱלֹהִים אֶל־נֹחַ וְאֶל־בָּנָיו אֲתוּ לְאמֹר: ⁹ וְאֲנִי הֲנִי מִקִּיָּם
אֶת־בְּרִיתִי אִתְּכֶם וְאֶת־זֶרְעֵכֶם אֲחֲרֵיכֶם: ¹⁰ וְאֵת כָּל־
נַפְשׁ הַחַיָּה אֲשֶׁר אִתְּכֶם בְּעוֹף בְּבַהֲמָה וּבְכָל־חַיַּת
הָאָרֶץ אִתְּכֶם מִכֹּל יִצְאֵי הַתְּבָה לְכֹל חַיַּת הָאָרֶץ:
¹¹ וְהִקְמֹתִי אֶת־בְּרִיתִי אִתְּכֶם וְלֹא־יִכָּרֵת כָּל־בֶּשֶׂר
עוֹד מִמֵּי הַמַּבּוּל וְלֹא־יִהְיֶה עוֹד מַבּוּל לְשַׁחַת
הָאָרֶץ: ¹² וַיֹּאמֶר אֱלֹהִים זֹאת אֹת־הַבְּרִית אֲשֶׁר־אֲנִי
נֹתֵן בֵּינִי וּבֵינֵיכֶם וּבֵין כָּל־נַפְשׁ חַיָּה אֲשֶׁר אִתְּכֶם
לְדֹרֹת עוֹלָם: ¹³ אֶת־קִשְׁתִּי נֹתַתִּי בְּעַנּוֹן וְהִיתָה לְאוֹת
בְּרִית בֵּינִי וּבֵין הָאָרֶץ: ¹⁴ וְהָיָה בְּעַנְנֵי עָנָן עַל־הָאָרֶץ
וְנִרְאָתָה הַקֶּשֶׁת בְּעַנָּן: ¹⁵ וְזָכַרְתִּי אֶת־בְּרִיתִי אֲשֶׁר בֵּינִי
וּבֵינֵיכֶם וּבֵין כָּל־נַפְשׁ חַיָּה בְּכָל־בֶּשֶׂר וְלֹא־יִהְיֶה
עוֹד הַמַּיִם לְמַבּוּל לְשַׁחַת כָּל־בֶּשֶׂר: ¹⁶ וְהִיתָה הַקֶּשֶׁת

בְּעֵינַי וּרְאִיתִיהָ לְזִכֹּר בְּרִית עוֹלָם בֵּין אֱלֹהִים וּבֵין
כָּל־נֶפֶשׁ חַיָּה בְּכָל־בֶּשֶׂר אֲשֶׁר עַל־הָאָרֶץ: 17 וַיֹּאמֶר
אֱלֹהִים אֶל־נֹחַ זֹאת אֹת־הַבְּרִית אֲשֶׁר הִקְמֹתִי בֵּינִי
וּבֵין כָּל־בֶּשֶׂר אֲשֶׁר עַל־הָאָרֶץ:

וַיְהִי: 18 וַיְהִי בְנֵי־נֹחַ הַיְצִאִים מִן־הַתְּבָה שֵׁם וְחָם וַיִּפֹּת
וְחָם הוּא אָבִי כְנַעַן: 19 שְׁלֹשָׁה אֱלֹהִים בְּנֵי־נֹחַ וּמֵאֵלֶּה
נִפְצָה כָּל־הָאָרֶץ: 20 וַיַּחַל נֹחַ אִישׁ הָאָדָמָה וַיִּטַּע כַּרְם:
21 וַיִּשֶׁת מִן־הַיַּיִן וַיִּשְׁכַּר וַיִּתְגַּל בְּתוֹךְ אֵהֱלֶה: 22 וַיֵּרָא
חָם אָבִי כְנַעַן אֵת עֵרוֹת אָבִיו וַיַּגִּד לְשְׁנֵי־אָחָיו
בַּחוּץ: 23 וַיִּקַּח שֵׁם וַיִּפֹּת אֶת־הַשְּׂמֵלָה וַיִּשְׁיִמוּ עַל־
שְׂכָם שְׁנֵיהֶם וַיִּלְכוּ אַחֲרָנִית וַיִּכְסּוּ אֵת עֵרוֹת
אָבִיהֶם וּפְנֵיהֶם אַחֲרָנִית וְעֵרוֹת אָבִיהֶם לֹא רָאוּ:
24 וַיִּיקַץ נֹחַ מֵיֵינוֹ וַיֵּדַע אֵת אֲשֶׁר־עָשָׂה לוֹ בְּנוֹ הַקָּטָן:

וַיֹּאמֶר אַרְוֵר כְּנַעַן עֶבֶד עֲבָדִים יִהְיֶה לְאָחָיו: 26 וַיֹּאמֶר
בְּרוּךְ יְהוָה אֱלֹהֵי שֵׁם וַיְהִי כְנַעַן עֶבֶד לָמוֹ: 27 יִפֹּת
אֱלֹהִים לְיִפֹּת וַיִּשְׁכַּן בְּאֵהֱלֵי־שֵׁם וַיְהִי כְנַעַן עֶבֶד
לָמוֹ: 28 וַיַּחֲיֶינֹחַ אַחֵר הַמִּבּוּל שְׁלֹשׁ מֵאוֹת שָׁנָה
וַחֲמִשִּׁים שָׁנָה: 29 וַיְהִי כָּל־יְמֵי־נֹחַ תְּשַׁע מֵאוֹת שָׁנָה

וְחַמְשִׁים שָׁנָה וַיָּמָת:

(10) וְאֵלֶּה תּוֹלְדֹת בְּנֵי־נֹחַ שֵׁם חָם וַיִּפֹּת וַיּוֹלְדוּ לָהֶם
בָּנִים אַחֵר הַמַּבּוּל: 2 בְּנֵי יֶפֶת גַּמָּר וּמְגוּג וּמְדִי וַיּוֹן וְתַבֵּל
וּמְשֶׁךְ וְתִירָס: 3 וּבְנֵי גַמָּר אֲשַׁכְּנֹז וְרִיפֹת וְתַגְרֵמָה: 4 וּבְנֵי
יּוֹן אֱלִישָׁה וְתַרְשִׁישׁ כְּתִים וְדַדַּנִּים: 5 מֵאֵלֶּה נִפְרְדּוּ
אֵיִי הַגּוֹיִם בְּאֶרְצֹתָם אִישׁ לְלִשְׁנוֹ לְמִשְׁפַּחְתָּם
בְּגוֹיֵיהֶם: 6 וּבְנֵי חָם כּוּשׁ וּמִצְרַיִם וּפּוּט וּכְנַעַן: 7 וּבְנֵי
כּוּשׁ סִבָּא וַחֲוִילָה וְסַבְתָּה וְרַעְמָה וְסַבְתָּכָא וּבְנֵי
רַעְמָה שְׁבָא וְדַדָּן: 8 וְכוּשׁ יָלַד אֶת־נִמְרֹד הוּא הַחַל
לְהִיּוֹת גִּבּוֹר בְּאֶרֶץ: 9 הוּא־הִיָּה גִבּוֹר־צִיד לְפָנָי יְהוָה
עַל־כֵּן יֹאמַר כְּנִמְרֹד גִּבּוֹר צִיד לְפָנָי יְהוָה: 10 וְתָהִי
רֵאשִׁית מַמְלַכְתּוֹ בְּבָל וְאַרְרֹךְ וְאַכַּד וְכַלְנֵה בְּאֶרֶץ
שֹׁנַעַר: 11 מִן־הָאֶרֶץ הַזֹּאת יֵצֵא אֲשׁוּר וַיִּבֶן אֶת־נִיְנוּהַ
וְאֶת־רַחֲבֹת עִיר וְאֶת־כַּלַּח: 12 וְאֶת־רֶסֶן בֵּין נִיְנוּהַ וּבֵין
כַּלַּח הוּא הָעִיר הַגְּדֹלָה: 13 וּמִצְרַיִם יָלַד אֶת־לוּדִים
וְאֶת־עַנְמִים וְאֶת־לְהַבִּים וְאֶת־נַפְתָּחִים: 14 וְאֶת־פְּתָרְסִים
וְאֶת־כַּסְלָחִים אֲשֶׁר יֵצְאוּ מִשָּׁם פְּלִשְׁתִּים וְאֶת־
כַּפְתָּרִים: 15 וְכְנַעַן יָלַד אֶת־צִידֹן בְּכָרוֹ

וְאֶת־חַת׃¹⁶ וְאֶת־הַיְבוּסִי וְאֶת־הָאֲמֹרִי וְאֶת־הַגְּרָגְשִׁי׃
¹⁷ וְאֶת־הַחִוִּי וְאֶת־הָעֶרְקִי וְאֶת־הַסִּינִי׃¹⁸ וְאֶת־הָאֲרוּדִי
וְאֶת־הַצְּמֹרִי וְאֶת־הַחֲמַתִּי וְאַחַר נִפְצוּ מִשְׁפָּחוֹת
הַכְּנַעֲנִי׃¹⁹ וַיְהִי גְבוּל הַכְּנַעֲנִי מִצִּידֹן בְּאֹכֶה גְרָרָה עַד־
עֹזָה בְּאֹכֶה סֹדֶמָה וְעֵמֹרָה וְאֲדָמָה וְצַבִּים עַד־לְשַׁע׃
²⁰ אֵלֶּה בְנֵי־חָם לְמִשְׁפַּחְתָּם לְשָׁנָתָם בְּאֶרְצוֹתָם
בְּגוֹיֵיהֶם׃²¹ וְלִשְׁם יֶלֶד גַּם־הוּא אָבִי
כָּל־בְּנֵי־עֶבֶר אָחִי יִפֶּת הַגְּדוֹל׃²² בְּנֵי שֵׁם עֵילָם וְאַשׁוּר
וְאַרְפַּכְשָׁד וְלוּד וְאַרְם׃²³ וּבְנֵי אָרַם עוּץ וְחוּל וְגֵתֵר
וּמֹשׁ׃²⁴ וְאַרְפַּכְשָׁד יֶלֶד אֶת־שֶׁלַח וְשֶׁלַח יֶלֶד אֶת־עֶבֶר׃
²⁵ וְלִעֶבֶר יֶלֶד שְׁנֵי בָנִים שֵׁם הָאֶחָד פֶּלֶג כִּי בִימֵיו
נִפְלְגָה הָאָרֶץ וְשֵׁם אַחִיו יִקְטָן׃²⁶ וַיִּקְטָן יֶלֶד אֶת־אֱלִמוּדָד
וְאֶת־שֶׁלֶף וְאֶת־חֲצַרְמוֹת וְאֶת־יֶרַח׃²⁷ וְאֶת־הַדּוֹרַם וְאֶת־
אוּזַל וְאֶת־דִּקְלָה׃²⁸ וְאֶת־עוּבַל וְאֶת־אֲבִימָאֵל וְאֶת־שִׁבְא׃
²⁹ וְאֶת־אוּפָר וְאֶת־חֻוִּילָה וְאֶת־יֹוֹב כָּל־אֵלֶּה בְּנֵי יִקְטָן׃
³⁰ וַיְהִי מוֹשְׁבָם מִמִּשְׁאֵה בְּאֹכֶה סְפָרָה הַר הַקָּדָם׃³¹ אֵלֶּה
בְּנֵי־שֵׁם לְמִשְׁפַּחְתָּם לְשָׁנָתָם בְּאֶרְצוֹתָם לְגוֹיֵיהֶם׃
³² אֵלֶּה מִשְׁפַּחַת בְּנֵי־נֹחַ לְתוֹלְדוֹתָם בְּגוֹיֵיהֶם וּמֵאֵלֶּה

נִפְרְדוּ הַגּוֹיִם בְּאֶרֶץ אַחַר הַמַּבּוּל:

אֲרָץ (11) וַיְהִי כָּל־הָאָרֶץ שְׂפָה אַחַת וּדְבָרִים אֶחָדִים: ² וַיְהִי בְנוֹסְעִים מִקֶּדֶם וַיִּמָּצְאוּ בְקָעָה בְּאֶרֶץ שֹׁנְעַר וַיָּשְׁבוּ שָׁם: ³ וַיֹּאמְרוּ אִישׁ אֶל־רֵעֵהוּ הִבָּה נִלְבְּנָה לְבָנִים וְנִשְׂרָפָה לְשָׂרָפָה וְתִהְיֶה לָּהֶם הַלְּבָנָה לְאָבֹן וְהַחֲמֹר הִיָּה לָּהֶם לְחֲמֹר: ⁴ וַיֹּאמְרוּ הִבָּה | נִבְנֶה־לָּנוּ עִיר וּמִגְדָּל וְרֹאשׁוֹ בַשָּׁמַיִם וְנַעֲשֶׂה־לָּנוּ שֵׁם פֶּן־נִפּוּץ עַל־פְּנֵי כָּל־הָאָרֶץ: ⁵ וַיֵּרֶד יְהוָה לִרְאוֹת אֶת־הָעִיר וְאֶת־הַמְּגִדָּל אֲשֶׁר בָּנוּ בְּנֵי הָאָדָם: ⁶ וַיֹּאמֶר יְהוָה הֵן עִם אֶחָד וְשָׂפָה אַחַת לְכֻלָּם וְזֶה הַחֲלָם לַעֲשׂוֹת וְעַתָּה לֹא־יִבָּצֵר מֵהֶם כֹּל אֲשֶׁר יִזְמוּ לַעֲשׂוֹת: ⁷ הִבָּה נִרְדָּה וְנִבְלָה שֵׁם שְׁפַתָּם אֲשֶׁר לֹא יִשְׁמְעוּ אִישׁ שִׁפְתֵי רֵעֵהוּ: ⁸ וַיִּפֹּץ יְהוָה אֶתְּם מִשָּׁם עַל־פְּנֵי כָּל־הָאָרֶץ וַיַּחְדְּלוּ לְבַנֹּת הָעִיר: ⁹ עַל־כֵּן קָרָא שְׂמָהּ בְּבֹל כִּי־שֵׁם בְּבֹל יְהוָה שְׁפַת כָּל־הָאָרֶץ וּמִשָּׁם הִפְיָצוּ יְהוָה עַל־פְּנֵי כָּל־הָאָרֶץ: ¹⁰ אֵלֶּה תּוֹלְדֹת שָׁם שָׁם בֶּן־מֵאָת שָׁנָה וַיּוֹלֶד אֶת־אַרְפַּכְשָׁד שְׁנַתִּים אַחַר הַמַּבּוּל: ¹¹ וַיְחִי־שָׁם אַחֲרָיִ

הוֹלִידוֹ אֶת־אַרְפַּכְשָׁד חֲמִשׁ מֵאוֹת שָׁנָה וַיּוֹלֶד בָּנִים
וּבָנוֹת: 12 וְאַרְפַּכְשָׁד חֵי חֲמִשׁ
וּשְׁלֹשִׁים שָׁנָה וַיּוֹלֶד אֶת־שֵׁלַח: 13 וַיְחִי אַרְפַּכְשָׁד
אַחֲרָיו הוֹלִידוֹ אֶת־שֵׁלַח שְׁלֹשׁ שָׁנִים וְאַרְבַּע מֵאוֹת
שָׁנָה וַיּוֹלֶד בָּנִים וּבָנוֹת: 14 וְשֵׁלַח
חֵי שְׁלֹשִׁים שָׁנָה וַיּוֹלֶד אֶת־עֶבֶר: 15 וַיְחִי־שֵׁלַח אַחֲרָיו
הוֹלִידוֹ אֶת־עֶבֶר שְׁלֹשׁ שָׁנִים וְאַרְבַּע מֵאוֹת שָׁנָה
וַיּוֹלֶד בָּנִים וּבָנוֹת: 16 וַיְחִי־עֶבֶר
אַרְבַּע וּשְׁלֹשִׁים שָׁנָה וַיּוֹלֶד אֶת־פֶּלֶג: 17 וַיְחִי־עֶבֶר
אַחֲרָיו הוֹלִידוֹ אֶת־פֶּלֶג שְׁלֹשִׁים שָׁנָה וְאַרְבַּע מֵאוֹת
שָׁנָה וַיּוֹלֶד בָּנִים וּבָנוֹת: 18 וַיְחִי־פֶלֶג
שְׁלֹשִׁים שָׁנָה וַיּוֹלֶד אֶת־רֵעוּ: 19 וַיְחִי־פֶלֶג אַחֲרָיו הוֹלִידוֹ
אֶת־רֵעוּ תִשַׁע שָׁנִים וּמֵאתִים שָׁנָה וַיּוֹלֶד בָּנִים
וּבָנוֹת: 20 וַיְחִי רֵעוּ שְׁתַּיִם וּשְׁלֹשִׁים
שָׁנָה וַיּוֹלֶד אֶת־שָׂרוּג: 21 וַיְחִי רֵעוּ אַחֲרָיו הוֹלִידוֹ
אֶת־שָׂרוּג שִׁבְעַת שָׁנִים וּמֵאתִים שָׁנָה וַיּוֹלֶד בָּנִים
וּבָנוֹת: 22 וַיְחִי שָׂרוּג שְׁלֹשִׁים שָׁנָה
וַיּוֹלֶד אֶת־נַחֲוֹר: 23 וַיְחִי שָׂרוּג אַחֲרָיו הוֹלִידוֹ אֶת־נַחֲוֹר

מֵאֲתֵיִם שְׁנָה וַיֹּלֵד בְּנִים וּבָנוֹת: ²⁴ וַיְחִי
נֶחֱוֹר תְּשַׁע וְעֶשְׂרִים שְׁנָה וַיֹּלֵד אֶת־תֶּרַח: ²⁵ וַיְחִי נֶחֱוֹר
אַחֲרָיו הוֹלִידוּ אֶת־תֶּרַח תְּשַׁע־עֶשְׂרֵה שְׁנָה וּמֵאֲתֵיִם
שְׁנָה וַיֹּלֵד בְּנִים וּבָנוֹת: ²⁶ וַיְחִי־
תֶּרַח שִׁבְעִים שְׁנָה וַיֹּלֵד אֶת־אַבְרָם אֶת־נֶחֱוֹר
וְאֶת־הָרָן: ²⁷ וְאֵלֶּה תּוֹלְדֹת תֶּרַח תֶּרַח הוֹלִיד אֶת־
אַבְרָם אֶת־נֶחֱוֹר וְאֶת־הָרָן וְהָרָן הוֹלִיד אֶת־לוֹט:

²⁸ וַיָּמָת הָרָן עַל־פְּנֵי תֶּרַח אָבִיו בְּאֶרֶץ מוֹלְדֹתוֹ בְּאוּר
כַּשְׂדִּים: ²⁹ וַיִּקַּח אַבְרָם וְנֶחֱוֹר לָהֶם נָשִׁים שֵׁם אִשְׁת־
אַבְרָם שָׂרִי וְשֵׁם אִשְׁת־נֶחֱוֹר מְלִכָּה בֵּת־הָרָן אָבִי־
מְלִכָּה וְאָבִי יִסְכָּה: ³⁰ וַתְּהִי שָׂרִי עֲקָרָה אֵין לָהּ וָלֵד:
³¹ וַיִּקַּח תֶּרַח אֶת־אַבְרָם בְּנוֹ וְאֶת־לוֹט בֶּן־הָרָן בֶּן־
בְּנוֹ וְאֶת שָׂרִי כַלְתּוֹ אִשְׁת־אַבְרָם בְּנוֹ וַיֵּצְאוּ אֹתָם
מֵאוּר כַּשְׂדִּים לָלֶכֶת אֶרֶצָה כְּנַעַן וַיָּבֹאוּ עַד־חָרָן
וַיֵּשְׁבוּ שָׁם: ³² וַיְהִי־וַיִּמֵּי־תֶּרַח חֲמִשׁ שָׁנִים וּמֵאֲתֵיִם
שְׁנָה וַיָּמָת תֶּרַח בְּחָרָן: